

CM HARYANA AID

وزیر اعلیٰ عمر عبداللہ نے جموں کشمیر مانہ چل رپا سیلابی بحران غے دوران امداد واسطے ہریانہ حکومت تے وزیر اعلیٰ نایاب سنگھ غ وڈل غی عمیک گہرائیاں سنگ چکریو ادا کیوے جنہاں نے وزیر اعلیٰ غا رلیف فنڈ مانہ 5 کروڑ روپیاں گو تعاون جمع کرایو ے وزیر اعلیٰ عمر عبداللہ نے کہیوے جے یو ہتعاون سیلاب تیں متاثرہ علاقیاں مانہ رلیف تے باز ابادکاری بارے چل رہی کوششاں مانہ مدد دے گی تے اُنہاں نے یقین دوايو جے متاثرہ خانداناں غی مدد بارے اس فنڈ نانہ صیح طریقہ سنگ استعمال مانہ ینو جے گو تے ضروری ٹہانچہ نانہ دوبارہ تعمیر کیو جے غو وزیر اعلیٰ نے مزید کہی و جے ہریانہ حکومت غی طرفوں دسی گئی ہمدردی مضبوط یکجہتی تے اپسی رواداری غ اروبہ نانہ ظاہر کرے۔

JITENDER SINGH DOGRA

مرکزی وزیر ڈاکٹر جتندر سنگھ نے کل جموں یونیورسٹی غا برگڈیر راجندر سنگھ اڈی توریم مانہ 10 واں کنوریوگی میموریل لیکچر مانہ شمولیت کی جھڑو کہ نامور ڈوگری شاعر غیاد مانہ منعقد کیو گیو اس موقعور اپنا خطاب مانہ ڈاکٹر جتندر سنگھ نے اس گلنانہ اُجاگر کیو جے ڈوگری زبان نانہ جموں کشمیر مانہ سرکاری حیثیت حاصل ہون تے اس نانہ ین غا اٹھواں شڈیول مانہ شامل کرن غے باوجود اس زبان غے سامنے اج وی مسائل ہیں اُنہاں نے لوکاں نانہ کہی وے جے وے سمجھا و تے شمولیت غے ذریعے چسٹ طریقہ سنگ ڈوگری نانہ اگے لیاویں ڈاکٹر سنگھ نے بھارت غی عالمی سطح ورترقی غے س ننگ ڈوگری وراثت نانہ اُجاگر کیو تے اس غی گراں قدر ثقافت نانہ بیان کیو۔

RANA FOREST

جنگلات و ماحولیات غاوزیر جاوید احمد رانا نے جموں مانہ ایک میٹنگ غی صدارت کرتا واں ماحولیات مسائل تے رکھ رکھائو بارے کوششاں غو جائیزولیو ے میٹنگ غے دوران جنگلات غا کٹیا جان حیاطیاتی نقصان تے بدھتی ِلودگی بارے غور کیو گیو وزیر موصوف نے جنگلات تے ابی زرائعے غے نیڑے سخت نگرانی ورزور دتو تے شہر کاری کیمپا تے ہریالی تیار کرن الا پروجیکٹانغی پیش رفت غو وی جائیزولیو اُنہاں نے بلخصوص چناب وادی تے ادھمپور جیسا علاقیاں مانہ سائنسی منصوبہ بندی تے کمیونٹی نانہ شامل کرن بارے زور دتو۔ ماحولیات سیاحت تے نوجواناں غی بیادری جیسا معاملات نانہ اُجاگر کرتا واں اُنہاں نے جموں صوبہ مانہ موثر پائیداد ماحولیاتی تحفظ بارے بین محکما جاتی میل جول و تعاون وروی زور دتو۔

TAX PAYER HELPLINE

محکمہ جموں کشمیر ریاستی ٹیکس غی طرفوں ای وے بل سنگ جڑتا معاملات بارے ٹیکس غی دانگی کرن الاں غی مدد واسطے ہیلپ لائن نمبر شروع کی گئی ے اس امدادی لائن غے ذریعے بل بنان مانہ غلطی پورٹل مانہ کسے پریشناں ت جوابی حاضری وغیرہ جیسی مشکلات مانہ مدد کرے گی دفتری کم کاجی اوقات غے دوران تربیت یافتہ پیشہ

وارانہ عملواس ہیلپ لائینور موجود رہ غو جموں مانہ بیوپاری لوک ٹیلی فون نمبر 9419157257 تے 7006963445 ور کال کرسکیں جدکہ کٹھوعہ تے ادھمپور واسطے الگ امدادی نمبر رکھیا گیا ہیں اس پہل غو مقصد پورا خطہ مانہ جی ایس ٹی غا کم کاج نانہ ہموار کرنو تے ٹیکس دہندگان غا کسے وی مسئلہ غا ویلے سر حل نانہ یقینی بنانوے۔

WEATHER

جموں گا بکھ بکھ حصاں مانہ کل یعنی منگلار پیشی ویلے تیں بعد لگاتار ہوری پاری بارشاں سنگ دویاریں تیں بدل نالاں مانہ پانی چڑھ گیوے ٹریفک جام لگ رہا ہیں تے روز چلن الا لوکاں نانہ مشکلات پیش ا رہی ہیں محکمہ موسمیات نے پیشن گوئی کی ہے جے اگلا 4 تیں 6 گھنٹاں غے دوران کافی پاری بارش ہوسکے تے اس سنگ جموں کٹھوعہ ریاسی ادھمپور ڈوڈہ راجوری تے رام بن سمیت کئی ضلع متاثر ہوسکیں محکمہ موسمیات کی طرفوں یوبوی کہیو گیوے جے پیر پنجال رینج غا بہت سارہ علاقاں مانہ درمیانہ تیں پاری درجہ غی بارش متوقہ ہے لوکاں نانہ مشورو دتو گیوے جے وے چکنا ریں حساس علاقاں تیں دور ریں تے احتیابی تدابیر اپناویں۔

TRAFFIC

اسے دوران جموں سرینگر قومی شاہراہ وراج دوجے دن وی گڈیانگی ٲو جائی معطل ہے یوہ قدم مسافراں غی حفاظت غے مد نظر چایو گیوے کیونجے شاہراہ غی بہت ساری جگہاں ور زمین تھس رہی ہے پسی ہے رہی ہے تے پتھر ٲ رہا ہیں واضع رہ جے یاہ شاہراہ 6 دناں تک بند رہن توں بعد سوموار ناہ جزوی طور ور بحال کی گئی تھی اسے طرح خراب تے ناموافقا موسمی حالات غے چلتیں پورا جموں کشمیر مانہ تمام سرکاری تے نجی تعلیمی ادارہ اج وی بند ریں گا اج غا دن واسطے تمام تہ شدہ امتحانات وی ملتوی کردتا گیا ہیں۔

4th BRIDGE CLOSED

جموں مانہ ہوری پاری بارشاں غے چلتیں صوبائی کمشنر جموں غی طرفوں جمونمانہ دریائے توں گا چوتھا ٲل نانہ گڈیاں واسطے بند کرن گواعلان کیو گیوے تے اس سنگ جڑن ٲلی رابطہ سڑکور ٹریفک نہیں چلے گی لوکاں نانہ مشورو دتو گیوے جے وے ہوٹل ایشیا ستواری چوک تے بھگوتی نگر تیں میجر سوم ناتھ چوک تے چوتھا ٲل در نہ چلیں اضافی طور اٹل چوک پنچترتھی تیں سدھڑا ٲل تک سڑک وی پسی پین تے پتھر ٲن غی وجہ سنگ بند ہے عہدے داراں غی طرفوں عوام نانہ گزارش کی گئی ہے جے وے جاری ہدایات اختیار کریں تے حفاظت غی خاطر ضروری سفر نانہ محدود کریں۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہڑا ضلع جموں گا بسنیک ویں تے اُن غی عمر 24 براں تیں

50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ
مانہ ڈگری یافر تسلیم شدہ یونیورسٹی تیں گرجوبشن غے ہمراہ 2 براں غو صحافت مانہ تجربو مقرر کیو گیو ے۔
اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی
ضروری ے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ے جے ضلع صدر دفتر
جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی
ضروری دستاویزات غے ہمراہ پیڈ ریجنل نیوز یونٹ آکاشوانی پنچترتھی جموں مانہ بزات خود آئیندہ
www.newsonair.gov.in 14 ستمبر 2025 توڑی دے سکیں۔ اس بارے مزید جانکاری ویب سائٹ
ور دستیاب ے۔
